

TE HENEURAA API

I neia i te piha neneiraa no te Ekalesia a Iesu Mesia i te Feia Mo'a i te Mau Mahana Hopea Nei i Papeete, Tahiti, i te mau fenua Sotaiete, i te mau avae atoa. Te hoo e piti farani i te matahiti hoê.

Nu. 6.

Tiunu, 1920

Mat. 14.

E ati atu hoi te ite i te ite; e farii mai hoi te paari i te paari; e tauahi atu hoi te parau mau i te parau mau; e ati atu te taiata ore i te taiata ore; e ati atu hoi te maramarama i te maramarama; e aroha hoi te aroha i tei aroha mai, e e tapea mai â i ta'na iho; e haupao te parau tia i to'na iho haerea, mai te titau i ta'na iho; e te parau au te na mua te aro o ia'na o te parahi i nia i te terono, tei faatere e o tei haupao i te mau mea atoa ra.

B. F.S. 82:10.

Te faaroo nei matou e, ia aurarohia te mau arii, te mau peresideni, te mau faatere hau, e te mau haava, ia haapaohia, ia faaturahia, e ia faatihia' tu hoi te mau ture o te fenua nei.

Hiroa Faaroo 12.

Te Ohipa Hiohio.

Te tupu nei te ohipa hiohio i te rahiraa i te mau fenua o te ao nei. Te itoitoe nei te mau tavini o te diabololo i te haavare-haereraa i to te mau basileia atoa ra, no te mea e, te ite nei to ratou ra Fatu o Satani e, e taime poto roa tei toe mai ia'na ra, hou a'e e faaore-roa-hia'i to'na mana, e ta'na ohipa pi'o.

Tei te hoê mau basileia te hoê haapaoraa o te haapii e, e tia noa ia ratou ia faafarerei i te taata nei e ta'na ra man fetii i pohe. Te parau nei taua mau orometua e, na roto i to

ratou ra mau ravea e vai nei, e nehenehe noa i te taata nei e paraparau i ta'na ra mau hoa e ta'na mau fetii i pohe ra.

Ua ite atea te hoê peropheta no te anotan hopea nei e, e tupu taua huru ohipa ra i te rahiraa i te ao nei, e vare ai ai te mau taata e rave-rahi. E no reira ua vaiiho mai oia i te hoê paruru i te taata faaroo nei ia ore ratou ia vare noa i i te mau ravea paari e te aravihi a Sataui.

Te raro nei taua parau ra.

BUKA FAFAU PENE 129.

Na taviri rahi e toru e itehia'i te melahi maitatai e te melahi iino; e aore râ te mau varua.

1 hehenhia ia Iosepha. te peropheta, i Navu i Ilinoi i te 9 no Feb. i te matahiti 1843.

1.-E piti huru taata i te ao ra, oia hoi, te mau melahi; e mau taata ia i tia faahou mai mai te tino i'o e te ivi.

2.-Mai teie te huru, ua na ô mai ra Iesu e, "A fâfâ mai na ia ite; aita o te varua e i'o e te ivi mai ta'u nei, ta outou e hio mai nei".

3.-E te piti- oia te mau varua o te mau taata parautia i haamaitai-roa-hia ra. O ratou ia o tei ore â i tiafaahou, area râ, hoê â hanahana i noaa.

4.-E ia tae mai te hoê vea i te na ô raa e, e parau ta'ua no ô mai i te Atua, a faatoro i to oe na rima ia'na, e a ani ia'na ia aroha rima mai ia oe na.

5.-Mai te mea e, e melahi ia oia, e na reira ia, e e ite oe i to'na rima i te fâfâraa'tu.

6.-Mai te mea e, o te varua ia oia o te hoê taata parautia i haamaitai-roa-hia ra, e fâ mai oia mai to'na hanahana, no te mea e, te reira aua'e iho te ravea e tia ia'na ia fâ mai.

7.-A ani ia'na ia aroha rima mai ia oe na, eita râ to'na tino e hauti, no te mea e, e ere ia i te mea au i te haapaoraa o te ao ra ia haavare te hoê taata parautia; e tuu noa mai râ oia i ta'na ra parau vea.

8.-Mai te mea e, o te Diabolo ia o tei faahua melahi no te ao ra, ia aui oe ia'na ia aroha rima mai, e faatoro mai oia i to'na ra rima ia oe na, e e ore roa oe e fâfâ i te hoê noa'tu mea, e no reira e tia ia ia oe ia haamahu ia'na ra.

9.-O na taviri rahi e toru teie e ite ai oe e, o te hoê ia tuuraa anei no ô mai i te Atua ra.

Faaauhia ei reo Tahiti e,

Garanata Lee Benesona.

Ia Auraro te Taata i te mau Ture a te Fenua Nei e Tia'i.

“Te faaroo nei matou e, ia aurarohia te mau arii, te mau peresiteni, te mau faatere hau, e te mau haava, ia haapaohia, ia faaturahia, e ia faatiahia'tu hoi te mau ture o te fenua nei.”

Hiroa Faaroo 12.

Te haapii papu nei te Ekalesia a Iesu Mesia i te Feia Mo'a i te Mau Mahana Hopea nei e, e tia roa i te taata'toa ia faatura, e ia haapao atoa hoi i te mau ture atoa a to ratou ra mau a'ia tupuna.

Te ite nei tatou e, i te anotau tahito a vai mana ai te mau pateriareha i nia iho i to ratou ra mau utuafare, ua faatura-mau-hia ratou i roto i taua tiaraa ra.

I te mau mahana no Mose, a arataihia'i te mau tamarii no Iseraela mai roto atu i te tîtiraa i Aiphiti, ua faaue mai Iehova i to Iseraela ia faatura i te mau faaueraa atoa a to ratou ra aratai. Te na ô maira taua faaueraa e, “Eiaha oe e faaino i te mau haava, eiaha e parau ino i te tavana i nia iho i to hui taata na.” Exodo 22:28. Teie hoi te tahi. “Ei fia haava, e te feia toroa ta oe e haapao i to mau oire atoa ra, ta to Atua ta Iehova e horoa mai no oe ra; e ati noa'e.”

I to Iesu oraraa i te ao nei, ua faatura oia i te hui mana no te fenua nei, hamani-ino noa'tu â ia ratou ia'na. Te na ô maira te taioraa o te pene 17 e te irava 24 no te evangelia a Mataio e,

“E tae atura raton i Kaperena, ua haere maira te feia i haaputu i te moni aufau ia Petero ra, no ô maira, Te horoa nei anei ta outou orometua i te moni aufau? Ua parau atura oia, Te horoa nei. E tae atura oia i roto i te fare, o Iesu na te parau mai, na ô maira, Eaha to oe mana'o, e Simona? ei ia vai ra te hui arii o teie nei ao titau atu ai i te tao'a aufau e te moni aufau? ei ta ratou iho tamarii anei, e ia vetahi ê anei? Ua parau atura Petero ia'na, Ei te taata êê. Ua na ô maira Iesu ia'na, ua tiama maori te tamarii. E haere atu ra oe i te pae roto ra, taora'tu ai i te mātau, a huti mai ai i te i'a matamua i amu ra e ia hahae oe i te vaha ra e ite a'e oe i te hoê maa moni, o ta oe ia e hopoi atu ia ratou ra na tāua atoa, oi ino ino mai ratou ia tatou nei.”

Tiamâ noa'tu â oia i te aufauraa i taua moni aufau, ua horoa noa oia i te reira i te Arii Etene. Teie te ture ta'na i vaiiho mai na tatou nei, “A hopoi maori i ta Kaisara ia Kaisara ra, e ta te Atua ra, e hopoi â ia i te Atua ra,” Mataio 22: 21.

E hoa ino ma e, te haapii mai nei teie nei irava e, e aitarahu tatou i te hau, mai ta tatou i te Atua ra.

Te na ô maira Paulo i roto i to'na episetole ia Tito e, “E faaite atu ia ratou, e e auraro maite i te hui arii e te feia mana, e faaroo i te feia haava ra, e faatia i te mau ohipa maitai atoa ra” Tito 3: 1.

Ua haapii atoa hoi te Aposetolo ra, o Paulo, i te Feia Mo'a e, “E mata vau i te a'o atu ia oe, e ei faaora, e te pure, e te ani, e te haamaitai i te Atua i te taata atoa nei; i te hui arii, e te feia mana atoa ra, ia parahi hauti-ore-hia tatou ma te hau, ma te paieti, e te tura. E mea maitai hoi te reira, e te au, i te aro o to tatou Ora ra o te Atua.” 1 Timoteo 2:1-3.

O Petero te tahi o tei haapii papu mai ia tatou ia faatura i te ture, te hui arii e te mau tavana o te fenua nei. Te na ô maira ta'na faaiteraa e, “E auraro outou i te toroa o te taata atoa i te Fatu nei; i te arii ra ei nia roa iho ia; e te mau ta-

vana ra, ei feia tonohia e ana ei tahoo atu i te feia i rave i te ino ra, e ei haamaitai i te feia i rave i te maitai ra. O to te Atua ia hinaaro, ia opani outou i te vaha o te ite ore o te tata maamaa ra i ta outou parau maitai. Ei feia tiamâ outou, eiaha râ taua tiamâ no outou ra e faarirohia ei tapo'i parau mo, ei tavini râ outou no te Atua." 1 Petero 2: 13-17.

Oia atoa te faaiteraa a te heheuraa apî i te anotan hopea nei, te haapîi atoa nei ia i taua mau mea ra. Te na ô maira te Fatu i ta'na ra mau tavini i te mau mahana hopea nei e, "Eiaha roa ei taata e ofati i te ture fenua, o tei haapao hoi i te ture a te Atua ra, e ore oia e tia ia ofati i te ture fenua; no reira, a auraro atu i te mana e vai nei, e tae noa'tu i te tau e hau ai oia e na'na mau te mana o te hau, e a tuuhia atu ai te mau enemi atoa i raro a'e i ta'na avae." B.F.S. 58:21, 22.

E au mau here e, ia haapao tatou i te mau ture no te Hau Farane e tia'i. Eiaha te hoê o te Feia Mo'a no te Etretia nei ia patoi e aore râ faahapa'tu e hoê iti a'e, i te hoê noa'tu ture no to ratou ra Hau Metua. Ia na mua râ tatou i te faatura e i te turu atu i te mau ee no te Republica. Ia riro tatou ei mau huiaraatira maitai no te Haura, e riro atoa ia tatou i reira, ei mau huiaraatira faaroo e te haapao hoi no te Basileia a te Atua ra.

TE HOE MAU TOHURAA.

Te na ô maira te taioraa o te pene hoê ahuru ma piti e te irava maha o te buka a Daniela e, "O oe na râ e Daniela e opani i teie nei mau parau e tapiri atu i te buka e tae noa atu i te tau hopea ra: e rave rahi hoi te horo i nia e i raro e tupu atura te ite i te rahiraa." Daniela 12: 4.

"O vai ra teie e pee nei mai te ata e pee ra? E mai te tiaa uuairao e mau e i to ratou mau apoo ra?" Isaia 60:8.

E rave rahi te mau tenetere i mairi a'e nei i te maororaa o teie mau tohuraa, e aore â to te ao nei i haroaroa i te tupuraa o teie nei man tohuraa. I teie nei ra mau mahana

hopea, ua ite tatou i te tupuraa o taua mau parau tohu ra.

E na roto i te ite rahi i roaa mai i te taata nei, ua hamani i te mau pahireva. Ua haere ratou i nia e ua huri i te tahi pae e i te tahi pae, e ua pou mai i raro mai ta te manu nei â. E hoa ino ma e, te ite nei tatou i te reira mau ravea, a tupu ai te tama'i rahi i ropu i te Purutia e to tatou Hau Amui. E ua riro teie nei ravea pahireva, ei tauturu i te mau Hau Amui ei faaohieraa i te ohipa no te tama'i ei haavîraa i te enemi rahi ino ra, ia Purutia. E teie hoi te hoê mau parau faahiahia, i te mahana maa i te 15 no Me, ua tae mai nei te hoê Ratio, no nia mai ia Tarune i Moorea. Ua faaitite mai i to Papeete nei e, ua farerei ratou i te hoê pahitira toru (Amarita). E pahifaauta raau ia, o tei tomo i te pae i raro mai i Nuhiva. E ua ora'tura te mau taata no nia i taua pahira, o tei hoe atu na nia i te poti hoehoe, i Nuhiva.

E ua faarue ratou i te pahi, e ua tomo roa te pahi e paimu noa'tura, e ua fati e piti tira e ua parari te paruru. Ua taverēhia mai taua pahira na muri mai ia Tarune i Papeete nei, e ua ite mata to Papeete nei i taua pahira.

E te mau hoa no te heheuraa api e, e ere anei teie i te ohipa rahi, e te faahiahia oia hoi te parau reva? Te paraparau nei te taata i te mau parau apî i tera fenua e i tera fenua, i tera pahi e i tera pahi na roto i te reva, ma te niuniu ore.

Te mau basileia e machine to ratou, o ratou ana'e ia te ite i te mau parau apî no te fenua roa mai; area te mau Basileia aore ia ratou taua machine paruparau ra e ore ia ratou e ite i te parau apî no tera basileia e i tera basileia, i tera fenua e i tera fenua.

O oe o te taio i teie nei parau, eaha to oe mana'o? A hurihuri noa'i to tino i nia i to roi, aita anei to oe mana'o e hurihuri i te tahi pae e i te tahi pae. A imi e a hiopoa i te mau vahi atoa; e o tei maitai ra a tapea ia.

E rave rahi te mau Ekalesia te vai nei, e mea ê ta te tahi faatereraa i ta te tahi; aore atura ratou i riro ei Ekalesia hoê. Te na ô maira te Buka a moromona e, "E piti noa iho Ekalesia, te hoê ra, o te Ekalesia ia a te Arenio a te Atua ra, e te tahi ra, o te Ekalesia ia a te diabolô ra. Teihea te Ekalesia e tia ia tatou ia farii, o te Ekalesia anei aore ia'na te machine no te parau reva? E mai te mea e farii oe i te reira, na vai atu ra ia e faaite mai ia oe i te mau parau apî no te fenua roa, (oia hoi te ra'i)? Te ani atu nei ra vau ia outou ma te aroha, i te haamaramaramaraa'tu ia outou na. Te vai nei taua Ekalesia tei ia'na te machine paraparauraa ra, oia hoi, te Ekalesia a Iesu Mesia i te Feia Mo'a i te Mau Mahana Hopea Nei. Te vai nei i roto i taua Ekalesia ra te Peropheta; ua riro te Peropheta ei machine parau reva. Tei ia'na te ite i te mau parau apî no ô mai i te Atua ra; e ua riro oia ei faaite i te mau parau mau atoa o tei parauhia mai ia'na. Mai te machine i haamauhia i Haapape, ua riro ia ei faaite i te parau mau i Papeete nei, e na roto ia'na e roaa'i te faarooraa o te parau i Tahiti nei e to'na ra mau mataeinaa atoa. E te ui atu nei au ia outou, e ere anei te reira i te ohipa maere? Te maere nei to te ao nei i taua ohipa parau reva ra e ite ai to te mau fenua atoa i te parau apî. Aita râ to te ao nei i maere i te parau reva ta te Atua i haamau i te ao nei ei faaite i te parau apî no te ra'i mai, oia hoi ta'na Peropheta. E ta'u mau hoa e, e haere tatou i te Haapape a te Fatu i te fenua nei, ei reira tatou e faaroo ai i te parau apî; te reira hoi te e'a e tae atu ai tatou i te ora mau.

Papaihia e,

Tepoheiva A Tearoha.

TE TAHOERAA.

A vai noa ai te hoê metua tane í niâ iho í to'na ra roi poheraa, pii atura óia i ta'na ra mau tamarii ia haere mai

haaati ai i to'na ra roi no te faaítëraa'tu i ta'na poroíraa hopea.

I roto i to'na piha te vai ra te hoê puóhu tea, parau atu ra óia i ta'na ra mau tamarii ia iriti ratou i te hoê teá é tamata na i te ófati i te reira. Iriti ihora te hoê ó tana mau tamarii ra i te hoê tea no roto mai i taua puóhu tea ra, fati óhie ihora taua tea ia'na ra, é ua na reira atoa hia te piti ó te tea éte toru hoí, é te maha, é tae noa'tu i te pau-roa-raa ó taua puóhu tea ra i te fati ia'na.

Te na ô faahou atura taua metua tane ra i ta'na atoa ra mau tamarii, a hopoi mai na i te piti ó te puóhu teá é vai nei i ô a'e, hopoi maira ratou i taua puóhu tea i toe mai ra i to ratou metua tane, parau atura óia ia ratou atoa ra e, a tamata na ótoutou tataítahi i te ófati i taua puóhu tea ra a vai tahoê noa ai i te reira. Tamata ihora taua mau tamarii ra, é ínaha, aore atura é raveá é fati ai taua puóhu tea ra.

Ua parau faahou ihora taua metua tane ra i te na ó raa mai e, "E tãú tamarii here e, óia atoa hoi ia to ótoutou huru i te ao nei, ia purara-haere-hia ótoutou i tera vahi é i tera vahi é haavíhia ia ótoutou, area râ ía tahoê noa-hia ótoutou mai te amahamaha-óre é vai maitai noa ia ótoutou.

E au mau hoa here e, o te hoê ía haapiíraa teie e au maitai ia tatou e hope roa'e. I roto i ta tatou atoa ra mau ohipa, e tamata tatou i te tahoê i to tatou nei puai e to tatou nei itoito, e i reira tatou e mauui ai.

Te vai na te feii, te mârô, te teiteo, te nounou e te ino-ino i roto i to tatou nei mau au, e mata na tatou i te faa'ore i taua mau huru ino ra. O te hoê ía mau mea e ore e tia'i ia tatou ia tahoêhia.

Te na ó maira te taioraa o te irava 13 o te Hiroa Faaroo e, "Te faaroo nei matou e, eiaha e eiâ, eiaha e haavare, eiaha e taiata, ei aaui mârû ra, e te viivii ore, e te hamani-maitairaa'tu i te taata atoa. E ia na ô tatou i te faaítëraa'tu, te pee nei matou i te a'oraa a Paulo: "Te faaroo nei matou,

e te tia i nei hoi i te mau mea atoa nei." E rave rahi te mau mea i faaoromaibia e matou, e te hinaaro nei hoi matou e, ia itoitou matou i te faaoromai i te mau mea atoa ra. E mai te mea te vai atura te hoê mau mea tia ra, e te mau mea viivii ore ra, e te mau mea popouhia ra, e te mau mea roo maitaitai ra, e feruri maite â ia matou i te reira.

Mai te mea e, e haapao tatou i tei faaitohia i roto i taua irava 13 ra, e ore roa tatou e haapurara-noa-hia i tera vahi e i tera vahi, e ore roa hoi tatou e vî i te enemi rahi ra o Satani, e vai upootia-noa-hia râ ia tatou, e a muri noa'tu.

Faaauhia ei reo Tahiti e,
Aneterea Sedamana.

To te Taata Parahiraa i te Ao a Muri Atua.

E rave rahi te parahiraa mau i te fare o ta'u metua ra; ahiri aita ra, ua parau ia vau ia outou. Ioane, 14:2.

Teie te hoê uiraa e au ia tatou, oia hoi, eaha te huru no to tatou parahiraa ia pohe tatou? Tei ia tatou iho tataihoê te pahouuraa. E noaa ia tatou te parahiraa e te utua e au i ta tatou ohipa i rave, a ora'i tatou i nia iho i teie nei ao.

Ia rave itoitou tatou i te mau ohipa a te Atua e noaa ia ia tatou te parahiraa tei parauhia te basileia Tiritiera, e aore râ te hanahana no te Tiritiera. Ua au te hanahana o te basileia Tiritiera, i te hanahana o te mahana. E e noaa teie hanahana i to te Ekalesia a te Matahiapo, oia hoi, i te mau taata o tei farii i te parau faaite a Iesu, o tei haavî na te faaroo, e ua titirohia e te Varua Maitai. O ratou teie o tei noaa ia ratou to'na ra îraa e to'na ra aroha. E tae ratou i roto i te hanahana teitei, e e parahi ratou i nia iho i te mau terono, e ere ratou i te mau melahi, e mau Atua ana'e râ ratou. O teie te vahi tei hau i te maitai i te mau vahi atoa ra; i te vahi e arii ai te Atua, oia hoi te metua, i nia i to'na ra terono e a muri e a muri noa'tu.

Te mau taata râ o te pohe mai te ture ore; e te mau taata o tei ore i noaa ia ratou te parau a Iesu i to ratou vai oraraa ra, i farii râ ratou i te reira i muri mai; e te mau taata tura o te ao nei, o tei haapoirihia e te ravea paari a te taata nei; e o tei noaa mai to'na ra hanahana, eiaha râ to'na ra î-raa; e o tei noaa ia ratou te aro o te Tamaiti eiaha râ te îraa no te metua, teie te mau taata o te noaa ia ratou te hanahana Teretetiera, oia hoi, te hanahana o tei au i te hanahana o te Marama, e aore to ratou hanahana i au i to te Ekalesia no te Matahiapo, ua huru ê râ te hanahana no te tahi i to te tahi, oia ia mai te Marama hoi i huru ê i te Mahana.

Te hanahana râ o te Tiretia e huru haihai ia, mai te itiraa o te hanahana no te mau fetia i huru ê i te hanahana o te Marama i roto i te reva nei. E noaa teie hanahana i te mau taata o tei ore e farii i te evanelia a te metia; o tei ore i huna i te Varua Maitai, e o tei hurihia i raro i te pô, e o tei ore e faaorehia mai i ô i te diablo e tae noa'tu i te tiafaahouraa hopea ra. E te mau hanahana e te feia no te ao Tiretia, e ore roa ia e itea ia taio ra, mai te mau fetia i nia i te ra'i ra e te one i tahatai ra.

Ua na ô maira te Atua e, e tuu paatoa teie feia i te turi, e e fa'i atu te mau arero atoa ia'na ra, o te parahi i nia i te terono e a muri e a muri noa'tu, e e noaa hoi i te taata atoa te utua tei au i ta'na ihora ohipa i rave.

E no reira teihea te hanahana ta tatou i hinaaro? Ua na ô maira te Atua e, "Ia hinaaro outou ia horoa atu vau i te hoê vahi no outou i te ao Tiretiera, e faaineine outou ia outou iho mai te rave i te mau mea ta'u i faaue e ta'u i titau atu ia outou". B.F.S. 77:1.

E no reira, e hoa ino ma e, ia hinaaro tatou ia riro mai te Atua te huru, e mea tia ia tatou ia haapao i ta'na ra mau faaueraa. E ia na reira tatou e faatiahia mai tatou i te tiafaahouraa matamua, e e parahi tatou e hoê tautani matahiti mai te hau e te peapea ore, e ia tae i te mahana haavâraa

rahi, e noaa ia ia tatou te oaoa rahi e te parahiraa mau i te aro o te Atua.

Papaihia e, Melavina Tarona.

Mau Parau Apî

O te tanta ra o Tagaroa a Tuahu a Ragihei, o tei fanau i Takaroa, ua rave ia oia i te ohipa puto raa pahia Heitiare i te fenua ra Ravehere. Aita te mau taata atoa i faaea i te ohipa i te hora maha i te ahiahi, ua haere atura tooono taata i te tatitea i te i'a i tua mai i te aanu. Ua patia noa ratou i te i'a. Tagaroa râ e te hoê taata Tahiti, ua huru atea ia i te aanu, ite ihora teie taata Tahiti i te puhi, pii atura oia, "E haere mai e hopu taua e patia i te puhi." Hopu a'era raua e patia ihora raua i te puhi. Iriti maira raua i taua puhi ra. E ia roaa mai taua puhi ra, ua faarue Tagaroa i te puhi i to'na hoa, ite ihora oia i te hoê puhi i te vahi hohonu i raro atu a'e i te vahi i patia i raua i te puhi matamua. Hopu roa'tu ra oia i taua puhi ra, patia ihora oia e puta a'era te puhi. Tamata-mata a'era oia i te iriti mai i taua puhi ra i rapae i te apoo, aita râ i mahiti ia'ua. Tei uta to'na hoa, e to raua mau hoa tei te pae aanu noa ia i te patia raa i te i'a. Aita ra to'na hoa i tae roa'tu i nia i te aanu, ua faaroo Tagaroa i te haruru mai te opape te huru i te ûraa mai i nia ia'ua e i te paina i nia i to'na upoo. Haru ihora oia e ua tano to'na nau rima i te mau amia. I reira to'na iteraa e, e mao tei amu i nia i to'na upoo. I muri mai, aita oia i ite e, i nafeahia taua mao ra i te ma-bitiraa i roto i to'na rima, a ite ra oia e, tei te vahi maro oia.

Ua pii oia i to'na mau hoa e tauturu ia'ua. Ua pepe noa oia e ua motu te tahi vahi i nia i to'na upoo, e te tahi mau vahi ua putaputa ia i te mau niho o taua mao ra. Te tahi mata ua pepe ia i te titea. Aita oia i ite eaha te huru o taua mao ra. Aita oia i ino, ua maitai rá.

Papaihia e, Pahoa a Tahiaroa.

Ua orure faahou to Mexico i to ratou ra Peresideni, o Caranza. Ua taparahihia Caranza e te hoê o ta'na ra nau raatira faehau. Aita ârâ te hoê i maitihia e monopo'na.

Ua huru a'e nei te mau faehau Tapone i te oire Vladivostok, i te fenua ra o Rusia.

Te mana'ohia nei e, e no te faehauraa i te ohipa orure, i haruhia'i taua oire ra.

Te faaite mai nei te mau vea no te fenua roa mai e, Ua roohia'eni te Peresideni no te Republica Farane, o M. Dechanel, i te hoê ati. Mai teie te huru, te ratere ra oia i tera oire e i tera oire na nia i te perepo auahi.

E a tere puai ai taua pereoo anahi ra, na topa te Peresideni i raro mai roto atu i te hoê opani o tei ore i opani haamau-maitai hia. Aita oia i ino roa i taua ati ra, area râ, e huru pepehia to'na tino.

Te tae pinepine mai nei te parau no te roo maitai o to tatou Aposetolo Reda Samuta (Reed Smoot), o te hoê oia, o te mau feia toroa rahi no te hau i roto i te Piha Iritiraa Ture (Senate). Ua parauhia e, na roto i to'na itoitō i te faaauraa i te ture maitatai, i faaorehia'i te haamaua-faafaaore-raa o te moni rahi roa. Te parare nei to'na roo maitai na te mau tufaa fenua no te Republica, e "Momoni" noa atu â oia, te faatura-rahi-hia nei oia e te hui maua e te mau taata atoa hoi no te Hau Amarita.

L. H. KENNARD Jr. Imprimeur, Rue Brea et de la
Rue Dumont d'Urville, Orovini, Papeete. Tahiti